

ԿԱՐԴԱՆ ԱԿԱՆԵՍՅԱՆ

ՀԱՐԱՎԿՈՎԿԱՍՅԱՆ ԵՐԿՐՆԵՐԻ ԵԿՐՈՊԱԿԱՆԱՑՄԱՆ
ՔԱՂԱՔԱԿԱՆՈՒԹՅՈՒՆԸ

Խորհրդային Միության փլուզման պահից Հարավային Կովկասի երկրները հայտնվեցին քաղաքական, տնտեսական և սոցիալական նոր սարտահրավերների առջև: Որպես այդպիսի մարտահրավերներ՝ հատկապես ընդգծվում են կոռուպցիայի դեմ պայքարը, պետական ինստիտուտների, արտաքին և ներքին անվտանգության ամրապնդումը, ազատ, մրցակցային շուկայական հարաբերությունների միջոցով կայուն, զարգացող տնտեսական համակարգի կազմավորումը և այլն: Թվում է, թե այս խնդիրները պետք է միայն համարել երկրներից յուրաքանչյուրի ներքին գործերին առնչվող հիմնահարցեր: Սակայն դրանց լուծումները կարելի է գտնել նաև տարածաշրջանային համագործակցային միջոցով, որը հնարավորություն կտա երկրներին գլոբալ խնդիրների դեմ պայքարել միացյալ ուժերով: Բացի այդ, Հարավային Կովկասում տարածաշրջանային համագործակցության կայացումը կարող է իրական հնարավորություններ ստեղծել անցյալի ծանր բեռից ազատվելու և սոցիալ-քաղաքական նոր պահանջմունքները բավարարելու համար: Սակայն հարկ է նշել, որ այս հեռանկարները նույնպես մշուշոտ են թվում, քանի որ առկա են դրան խոչընդոտող բազմաթիվ խնդիրներ՝ համատարած թեմիկ թշնամական հակամարտություններ, թույլ տնտեսություններ, կոռուպցիոն դիսկեր, պետությունների անհամատեղելի դիրքորոշումներ և այլն: Թեև այս ամենին զուգարենք նաև այն, որ վերջերս լայն շրջանառության մեջ մտած առկա ստատուս-քվոյի վերափոխումը անվտանգության, կայունության և զարգացման երկարաժամկետ տարածաշրջանի մասին մտորումները նույնպես լուրջ դժվարությունների են հանդիպում, ապա ընդհանուր պատկերը, իրոք, ոգևորող չէ:

Այսպիսի պայմաններում եվրոպականացումը թվում է՝ այն «հարթակն է», որի օգնությամբ հարավկովկասյան երկրները կարող են կառուցել զոնե փոքրածավալ ռեգիոնալացում, քանի որ դրա բացակայությամբ անհնարին է դառնում պատկերացնել, թե ինչպես են լուծվելու ներտարածաշրջանային խնդիրները: Հետևաբար, եվրոպականացման հաջող փորձաշրջան անցնելը կարող է հզոր ազդակ դառնալ անցում կատարելու «ոչ պատերազմ - ոչ խաղաղություն» վիճակից երկարատև կայուն զարգացման վիճակի :

Այս առումով ուշադրության է արժանի նաև այն փաստը, որ տարածաշրջանային համագործակցություն կառուցելու կոչեր գալիս են ոչ միայն եվրոպայից, այլ նաև ներտարածաշրջանային գիտավերլուծական շրջանակների կողմից: Այսպես, Դիտրիխ Հպեռլինգը նշում է, որ եվրոպականացման գործընթացին մասնակցությունը հնարավորություն է տալիս կառուցել վստահություն համագործակցության որոշակի տիպի նկատմամբ, որը պետք է ձգտի լուծել ընդհանուր պրոբլեմները «շահում-շահում-շահում» (win/win/win) բանաձևին համապատասխան, երբ ամեն մի ընդհանուր գոծողություն շահեկան է դառնում բոլորի համար: Իսկ «խաղ գրոյական արդյունքով» խաղով կողմնորոշվելը, որում մի կողմի շահումն ենթադրում է մյուսի պարտությունը, չի կարող օգտակար լինել: Եթե դիտարկենք Հարավային Կովկասի ներկայիս վիճակը, ապա պետք է փաստենք, որ այստեղ բացակայում է ռեգիոնալացման որևէ տեսակ, որը կներառեր տարածաշրջանի բոլոր երեք երկրները միաժամանակ: Փոխարենը Հարավային Կովկասը բզկտվում է ներտարածաշրջանային հակամարտություններից, որոնք մանիպուլացվում, օգտագործվում են արտատարածաշրջանային ուժերի կողմից:

Ռուսաստանն ու ԱՄՆ ցանկանում են միակողմանիորեն վերահսկել Հարավային Կովկասը՝ հատկապես էներգետիկ ռեսուրսների, տարածաշրջանով անցնող գազա- և նավթամուղերի առկայությամբ պայմանավորված: Սակայն նրանք ուզում են վերահսկել այն միակողմանիորեն՝ ոչ միասին: Այսպիսով, ունենալով իրար բախվող շահեր, նրանք կարող են և իրականում իրենց ձեռքին գործիք են դարձնում առկա հակամարտությունները:

Ներկայիս Հարավային Կովկասում, ըստ էության, միայն Հայաստանն է, որ չունի ռեգիոնալացման որևէ տեսակի հնարավորություն՝ ունենալով փակ սահմաններ Թուրքիայի և Ադրբեջանի հետ և անկայուն հարաբերություններ Վրաստանի հետ: Այսպիսի պայմաններում հայ պատվիրակները սովորաբար եվրոպական կառույցների աշխատանքներին իրենց պարբերաբար մասնակցությունը ցուցաբերելուց հետո հայրենիք են վերադառնում՝ մտքում ունենալով իրենց եվրոպացի գործընկերներից լսած մոտավորապես հետևյալ խորհուրդը. «Եթե միմյանց հարևան տարածքներն ի վիճակի չեն համագործակցել, ապա նրանց համար չի լինի ԵՄ տանող ճանապարհ»: Բնականաբար, առաջանում է «ինչ անել» հարցը. Ցանկացած պատասխան շեշտը դնում է Հարավային Կովկասի ներսում «փոքրածավալ ռեգիոնսւլացման» ուղղությամբ տարվող ջանքերի բազմապատկման վրա:

Իտալիայում և Իսպանիայում Հայաստանի Հանրապետության նախկին արտակարգ և լիազոր դեսպան Ռուբեն Շուգարյանն առանձնացնում է Հարա-

վային Կովկասում եվրոպականացման երկու լեական փուլ: Ըստ նրա՝ տարածաշրջանում տեղի են ունեցել լուրջ գործընթացային փոփոխություններ: Առաջին և ամենակարևոր վերակերպումն այն է, որ ժամանակին “Անդրկովկաս” եզրույթը վերափոխվել է Զարավային Կովկասի: Այսօր ռուսական կապերի հետ մեկտեղ տարածաշրջանն ունի պարզ, տեսանելի իրանական կապ, թուրքական չափելիություն, ինչպես նաև վերտարածաշրջանային հարաբերություններ ԱՄՆ, ԵՄ և Սեծ Մերձավոր Արևելքի հետ: Եթե տարածաշրջանային կապերը բնութագրելու համար օգտագործենք վերջերս շրջանառության մեջ մտած ծովային տերմինաբանությունը, ապա կարող ենք խոսել Կասպից, Սև և հստակ ձևավորված տրանսատլանտյան կապերի մասին: Սա Զարավային Կովկասի եվրոպականացման առաջին փուլն է, երբ դեռ շատ վաղ է խոսել նրա տարածաշրջանային ինքնության մասին: Ըստ հեղինակի՝ անկախություն ստանալուց հետո տարածաշրջանի պետությունները հետզհետե դուրս են եկել ռուսական վերահսկողության դաշտից (բացառությամբ Զայաստանի)՝ միաժամանակ խորացնելով կապերն այլ հարևան երկրների ու արտատարածաշրջանային կազմակերպությունների հետ:

Եվրոպականացման երկրորդ փուլը Վրաստանի, Զայաստանի և Ադրբեջանի միացյալ ինտեգրման գործընթացն է եվրոպական և եվրոատլանտյան ճարտարապետության մեջ: Զնայած այն հանգամանքին, որ Վրաստանը փորձում է եվրոատլանտյան հարաբերություններում Զարավային Կովկասի երկրներից առաջամարտիկը համարվել (պետք է նշել, որ իսկապես այդ ուղղությամբ տարված աշխատանքներում այս երկիրը հաջողություններ գրանցել է), այնուամենայնիվ, հատկապես Արևելյան գործընկերության մեկնարկով Վրաստանը զրկվում է տարածաշրջանում այդ առումով առաջատար դիրքերից, քանի որ ԱԳ վերստին հաստատվում են ԵՄ տարածաշրջանային մոտեցումները, և առաջարկները, որոնք կներկայացվեն, երեք երկրների համար էլ նույնը կլինեն: Սա, ըստ նույնի, նշանակում է, որ վերջ կտրվի տարածաշրջանում Ուկրաինայի կարգավիճակին հավասարվելու Վրաստանի հավակնություններին:

Եվրոպականացման այս երկրորդ փուլը ներկայումս ընթացքի մեջ է, քանի որ պետությունները գրեթե միաժամանակ դարձել են ԵԱՀԿ և ԵԽ անդամներ, բոլորի համար էլ գործում են ԵՄ հետ Գործընկերության և համագործակցության համաձայնագրերը, Եվրոպական հարևանության քաղաքականությունը և վերջերս մեկնարկած Արևելյան գործընկերությունը: Սակայն այս փուլում ևս խոսել Զարավային Կովկասի՝ որպես տարածաշրջանային ինքնության մասին, դեռևս վաղ է, իսկ երբեմն էլ ընդհանրապես հարցականի տակ է դրվում

տարածաշրջանի՝ որպես աշխարհաքաղաքական ծնավորված ամբողջության գոյության հարցը: Կա արդյոք տարածաշրջան, - հարց է տալիս Վրաստանի խորհրդարանի պատգամավոր Ի. Խախնդրավան: Սա ամենևին էլ պատահական հարց չէ. քանի որ ԵՄ կցանկանար Հարավային Կովկասը տեսնել որպես միասնական տարածաշրջան և որդեգրել համալիր մոտեցում: Հարավային Կովկասը լի է սառեցված էթնիկական հակամարտություններով, իսկ դա նշանակում է սառեցված տարածաշրջանային ինքնություն: Այսինքն, ԵՄ և մյուս եվրոպական կառույցները Հարավային Կովկասում մեծ աշխատանք ունեն կատարելու՝ ստիպել, համոզել, խրախուսել երկրներին սկսել ներտարածաշրջանային տնտեսական ինտեգրում, անցնել տարածաշրջանային համագործակցության, որը հիմնված կլինի, այսպես կոչված, «փափուկ» (soft) անվտանգության ծրագրերի վրա (համագործակցություն մաքսային ոլորտում, պայքար կազմակերպված հանցավորության, փողերի լվացման և մարդկանց քրֆիկինգի դեմ):

Սեպտեմբերի 11-ի ահաբեկչությունից հետո ծնավորվեց լիովին նոր աշխարհաքաղաքական իրողություն, ինչն անհրաժեշտություն և պայմաններ ստեղծեց միջազգային ահաբեկչության դեմ պայքարի տարածաշրջանային համագործակցության համար: Այսպիսի համագործակցությունն անհնարին կլիներ պատկերացնել, եթե հարավկովկասյան հակամարտություններն այժմ ռազմական գործողությունների փուլում գտնվեին: Ինչպես հայտնի է, այդ հակամարտություններից Արցախի պարագայում գոծում է ԵԱՀԿ միջնորդական առաքելությունը, որը երկար տարիներ է՝ փորձում է իրար մոտեցնել կողմերի դիրքորոշումները: Եվ առկա «ոչ պատերազմ - ոչ խաղաղություն» վիճակը ևս պետք է համարել հաջողություն, որի պահպանման գործում մեծ դեր ունի նաև ԵԱՀԿ: Սա նշանակում է, որ անհրաժեշտ է ակտիվորեն աջակցել, ոչ թե փոխարինել այդ միջազգային միջնորդական առաքելությունը՝ վերջինիս օգնելով հակամարտության խաղաղ, դիվանագիտական ճանապարհով լուծում գտնելու հարցում: Սակայն գործընթացին խանգարողը հենց տարածաշրջանի ներսից է՝ Ադրբեջանը, որ ջանքեր չի խնայում Արցախյան հակամարտության ԵԱՀԿ միջնորդական առաքելությունը փոխարինել ՄԱԿ միջնորդությամբ, ինչն ավելի կերկրածգի խնդրի կարգավորումը և, ընդհանրապես, արդյունավետ հանգուցալուծումը խիստ հարցականի տակ կդրվի:

Խնդիրը՝ տարածաշրջանային ինտեգրում և համագործակցություն, սակայն, ամենևին էլ հեշտ չէ, որովհետև Հարավային Կովկասի պետություններն ունեն բոլորովին տարբեր պատմամշակութային անցյալ, ներքին կազմակերպվածություն, տարբեր արտաքին կողմնորոշումներ, ինչը, բնականաբար, դժվար

րեցնում է հետագա առաքիսադացման ու զարգացման գործընթացը միևնույն չափանիշներով: Որոշ վերլուծաբաններ Հարավային Կովկասի երկրներից առանձնացնում են Հայաստանը, որի իր արժեհամակարգով առավել մոտ է եվրոպային: Այսպես, որպես ազգ, որը բնակվում է ոչ միայն Հայաստանում, այլ սփռված է ամբողջ աշխարհում, ՀՀ դիտարկում է իր Սփյուռը՝ որպես ինտեգրման մի հզոր շարժիչ և արդյունավետ եվրոպականացման միջոց, որն առկա չէ Հարավային Կովկասի մնացած մասում: Դա լրացվում է նաև լեզվի գործոնով, հայերենը միակն է հնդեվրոպական լեզվաընտանիքից այս տարածաշրջանում:

Եվրոպայի միավորման ժամանակ չափազանց մեծ դեր է խաղացել երկրների միևնույն պատմամշակութային անցյալը և շուկայական տնտեսության զարգացվածության բարձր ու գրեթե իրար հավասար մակարդակը: Ասվածը, սակայն, չի նշանակում, որ եվրոպայի հետ ունենալով այս կամ այն չափի պատմամշակութային կապեր, հարավկովկասյան երկրներին մնացել է թռիչքային տեմպերով զարգացնել տնտեսությունները, որպեսզի եվրոպական ընտանիքի լիարժեք մաս համարվեն: Խնդիրը շատ ավելի խորքային է, այն հանրային գիտակցության մեջ է. նախ ՀՀ, Վրաստանի ու Ադրբեջանի քաղաքացիները պետք է ցանկանան համարվել այդ ընտանիքի բաղկացուցիչ մասը: Չնայած այն հանգամանքին, որ եվրոպացի դիվանագետները բազմիցս հայտարարել են, որ հարավկովկասյան երկրների՝ ԵՄ հնարավոր անդամակցությունը մեծապես կախված է այդ երկրների ժողովուրդների կամքից, այնուամենայնիվ, այդ խնդիրն ավելի փոքր չափով է կախված մեզանից, այն հիմնական չափով կապված է ԵՄ առաջատար պետությունների աշխարհաքաղաքական շահերի հարաբերակցությունից: Ռ.Շուգարյանի կարծիքով, Հարավային Կովկասի եվրոպականացման երկրորդ փուլում ձևավորվում է "անցումային տարածաշրջանային ինքնություն", ինչը և թույլ է տալիս կիսել միասնական ընդհանուր նպատակներ:

Եվրոպականացումը, նախևառաջ, պետք է լինի գիտակցված գործընթաց, ինչը նախադրյալներ և հնարավորություն կսեղծի գործընթացն ավելի խորացնելու՝ ինտեգրվելու համար: Սակայն այս գործընթացի սուբյեկտները պետք է պահպանեն իրենց ազգային ինքնությունը և անհատականությունը: Տնտեսական բարեփոխումները ևս պետք է լինեն գիտակցված գործընթաց, որոնք կլինեն ոչ թե եվրոպային սիրաշահելու, այլ կբխեն տեղի երկրների սեփական շահերից: Ստացվում է, որ ԵՄ և ԵՆ չափանիշներին մոտարկման այս փուլում չպետք է լինեն լուրջ բացթողումներ՝ փորձելով խուսափել իրավիճակային որոշումների կայացումից:

Ինչ վերաբերում է ԵՄ վերաբերմունքին Հարավային Կովկասի երկրներին՝ յուրաքանչյուրին, ապա պետք է նշել, որ սա ևս կարևոր հանգամանք է՝ պարզել, հասկանալ, թե արդյոք ԵՄ գտել է իր համար հենարան երկիր մեր տարածաշրջանում, որին կառաջարկեր արտոնյալ համագործակցության որակապես այլ տարբերակ, թե բոլոր երկրներին հավասարաչափ է վերաբերում: Ինչպես ավելի վաղ ենք նշել, Վրաստանն ամեն ինչ անում էր և անում է ԵՄ և Եվրոատլանտյան կառույցների աջքերում՝ հարավկովկասյան տարածաշրջանում «հենարան երկիր» համարվելու համար, սակայն այս հարցում վրացական պետությունը դեռևս շատ առաջ չի գնացել: Ըստ էության, որոշ վերապահումներով հանդերձ, կարելի է ասել, որ ԵՄ Հարավային Կովկասը դիտում է իբրև մեկ միասնական տարածաշրջան, և ԵՄ կողմից ֆինանսավորվող ծրագրերի բովանդակությունը Հայաստանի, Վրաստանի ու Ադրբեյջանի նկատմամբ տարբերվում են միայն երկրների առանձնահատկություններով: ԵՄ հիմնական ծրագրերը (ՏՐԱՍԵԿԱ, ԻՆՕԳԵՅՈՒՍՍԻՒ) վկայում են այն մասին, որ ԵՄ Հարավային Կովկասում հետապնդում է հիմնականում էներգետիկ անվտանգության շահեր: Այս տեսանկյունից շատ կարևոր է դառնում պատասխանել այն հարցին, թե արդյոք Հարավային Կովկասին կտրվի հնարավորություն միանալ Եվրոպական ընտանիքին՝ նախևառաջ տնտեսական, այսինքն էներգետիկ պաշարներից ելնելով, թե անվտանգության նկատառումներով՝ Եվրոպայի ապահովությունը Մերձավոր Արևելքի անհանգիստ հարևաններից ամրապնդելու համար: Թե առաջին, թե երկրորդ դեպքում մեծանում է Հարավային Կովկասի նշանակությունը՝ որպես պոտենցիալ կամուրջ դեպի Մերձավոր Արևելք: Սակայն, հաշվի առնելով Մերձավոր Արևելքի ներկայությունը, հնարավոր է՝ Հարավային Կովկաս-ԵՄ հարաբերություններն ինտեգրվելու աստիճանի չգարգանան և չխորանան: Նման ելքից խուսափելու համար անհրաժեշտ է, որ հարավկովկասյան երկրներն անեն ամեն ինչ՝ որպես օգնության հասցեատեր կամ ընդլայնումից շահող միակ կողմ չընկալվելու համար, որը պետք է կուրորեն և հնազանդորեն կատարի բոլոր հրահանգները, որպեսզի կարողանա բարելավվել իր կյանքի որակը և հասցնել այն ԵՄ չափանիշներին:

ԵՄ վերջին մեծածավալ նախաձեռնությունները (“Ընդլայնված Եվրոպա և Նոր հարևանություն”, “Եվրոպական հարևանության քաղաքականություն”, “Արևելյան գործընկերություն”) բարեհաջող և արդյունավետ իրագործելու համար անհրաժեշտ է հստակ սահմանված ուղղությունների ու կառուցակարգերի մշակում: Այս նախաձեռնությունների հետ կապված այսօր հաճախ են խոսում սահմանային առևտրի խրախուսման և հարևաններին աջակցելու համար ֆինանսական կառուցակարգի ստեղծման կարևորության մասին: Տարա-

ծաշրջանային համագործակցությունը, ինչը կարող է բխել վերը շված տնտեսական գործոններից, առանցքային կարևորություն ունի այն հարևանների համար, որոնք ունեն քաղաքական հակամարտություններ կամ կրում են անցյալի իրողությունների ծանր բեռը: "Տարածաշրջանային տնտեսական ամբողջությամբ" ստեղծման ուղիներից մեկն էլ Հայաստանի, Վրաստանի, Ադրբեջանի և Թուրքիայի "կապվելն է" տնտեսական տարբեր ծրագրերի միջոցով:

Հարավային Կովկասի եվրոպականացման մասին խոսելիս՝ պետք է նկատի ունենալ, որ այս գործընթացում քաղաքականությունն ուղղորդող դերակատարների թվում պետք է տեսնել ոչ միայն ԵՄ, ԵԽ և ԵԱՀԿ, այլ նաև ՆԱՏՕ, քանի որ տարածաշրջանի բոլոր երկրներն ակտիվորեն համագործակցում են Հյուսիսատլանտյան դաշինքի հետ, իսկ, մասնավորապես, Վրաստանը պաշտոնապես բազմիցս հայտարարել է, որ ցանկանում է անդամակցել ՆԱՏՕ: Այսպես, Ա. Ոսկանյանը տարբերում է Հարավային Կովկասի եվրոպականացման երկու մոդել՝ եվրոպական և ամերիկյան, որոնցից երկրորդն եվրոպականացման իմաստը տեսնում է ոչ միայն ԵՄ շրջանակներում պետությունների հետագա զարգացման, այլև առավել ճկուն՝ բոլոր եվրոպական երկրներն ընդգրկող միավորման կառուցման մեջ, որի հիմքում ընկած կլինեն անդամակցությունը ՆԱՏՕ և համատեղ պայքարը միջազգային սպառնալիքների դեմ: Այսինքն, երկրորդը՝ ամերիկյանը, ինտեգրման, եվրոպականացման առավել ամբողջական, համընդգրկուն զլոբալ մի ուղի է, որի ղեպչում ԵՄ դիտարկվում է այդ ընդհանուր գործընթացի հավաքական մասնակիցներից մեկը և, ըստ ամենայնի, կորցնում հավաքագրող, խթանող, եվրոպականացման գործընթացը վերահսկող միակ կենտրոնի իր կարգավիճակը:

Եթե հաշվի առնենք վերը նշված բոլոր այդ կազմակերպություններին (ԵՄ, ԵԽ, ԵԱՀԿ, ՆԱՏՕ) որդեգրած քաղաքականությունը Հարավային Կովկասում, ապա իսկապես կտեսնենք, որ առկա է թե աշխատանքի բաժանում, թե մասնակի համընկնում ԵՄ, ԵԽ, ԵԱՀԿ, ՆԱՏՕ կողմից գործադրվող ժողովրդավարացման ջանքերում: Դժվար է գտնել մի ղեպք, երբ սկզբունքային կարևորություն ունեցող հարցերում այս կազմակերպությունների պաշտոնական տեսակետները հակադրվել են միմյանց Հարավային Կովկասի տարածաշրջանում, ընդհակառակը, նրանք, կարծես, լրացնում են մեկը մյուսի աշխատանքը: Հարավկովկասյան երեք երկրներն էլ հանդիսանում են ԵԱՀԿ և ԵԽ անդամներ, մասնակցում են ԵՄ տարածաշրջանային գրեթե բոլոր նախագծերին և ներգրավված են ՆԱՏՕ PFP, PARP և IPAP ծրագրերին: Ակնհայտ է, որ բոլոր երեք երկրների արտաքին քաղաքականության օրակարգում առանձնակի տեղ է հատկացված հիշյալ կազմակերպությունների հետ համագործակցությանը,

բոլորն էլ հետապնդում են այս կամ այն չափի ինտեգրման նպատակ եվրոատլանտյան կազմակերպություններին, սակայն նրանց մարտավարությունները նույն նպատակին հասնելու համար կարող են տարբեր լինել՝ պայմանավորված ներքաղաքական և արտաքին քաղաքական հանգամանքներով: Այսպես, Վրաստանն ու Ադրբեջանը հայտարարել են, որ ՆԱՏՕ-ին միանալն իրենց արտաքին քաղաքականության օրակարգի անքակտելի մասն է, մինչդեռ Հայաստանն այս հարցում դրսևորում է առավել հավասարակշիռ մոտեցում:

Ղա պայմանավորված է ՌԴ-ի և ՀԱՊԿ-ի հետ ՀՀ դաշնակցային հարաբերությունների հանգամանքով: Չնայած սրանց, հարկ է նշել, որ պաշտոնական երևանը ակտիվ գործարկում է նաև ՆԱՏՕ-ի հետ: Նույնը կարող ենք ասել նաև ԵՄ հետ հարաբերությունների վերաբերյալ: Վրաստանն օր առօր ցանկանում է դառնալ ԵՄ անդամ, Թբիլիսիի փողոցներում ամեն քայափոխի հնարավոր է տեսնել վրացական պետական դրոշի կողքին կախված նաև ԵՄ կապույտ դրոշը, մի խոսքով, այստեղ շատ բան է արվում հասարակությանը պատրաստելու, նրան տեղեկատվությամբ ապահովելու, եվրոպական արժեքները տարածելու համար: Այս հարցում ավելի պասիվ են Հայաստանն ու Ադրբեջանը: Նրանցից ՀՀ Ազգային անվտանգության ռազմավարության մեջ ընդհանրապես բացակայում է ԵՄ անդամ դառնալու քաղաքական ուղեգիծը, Այստեղ ասվում է, որ անհրաժեշտ է ավելի խորացնել համագործակցության ներկայիս մակարդակը ԵՄ և մյուս եվրոպական կառույցների հետ:

Ադրբեջանն իր հերթին լիովին այլ կերպ է դրսևորում իրեն եվրոատլանտյան կառույցների հետ հարաբերություններում: Այստեղ կարծիք է ձևավորված, որ իրենց երկիրը համարվում է նոր եվրոպայի բաղկացուցիչ մասը՝ մինևույն ժամանակ լավ հասկանալով, որ Արևմուտքի հետաքրքրություններն Ադրբեջանի նկատմամբ մեծապես պայմանավորված են վերջինիս էներգետիկ պաշարներով: Այս հանգամանքից օգտվելով՝ Ադրբեջանը հսկայական ծավալներով արտահանում է իր էներգետիկ ռեսուրսները, կուտակում է ֆինանսական մեծ միջոցներ, վերագինում է բանակը, պարբերաբար հանդես է գալիս ՀՀ դեմ ուղղված ռազմատենչ հայտարարություններով՝ այդ կերպ ցանկանալով տարածաշրջանում գերիշխող դիրքի հասնել: Նման քաղաքական վարքագիծն ամենևին չի տեղավորվում տարածաշրջանային համագործակցության ցանկացած ձևաչափի մեջ: Ըստ էության, Ադրբեջանը գերազնահատում է իր էներգետիկ խաղաթղթերը, որովհետև դրանց առկայության պայմաններում ևս բազմիցս արժանացել է եվրոպական կառույցների քննադատությանը՝ ժողովրդավարության հետ կապված խնդիրներ ունենալու պատճառով:

Եվրոպականացման գործընթացը շատ ջանքեր, ժամանակ և քաղաքական կամք է պահանջում: Այն չի կարող ամբողջովին սահուն լինել, որովհետև բացի այն, որ անհրաժեշտ է ներգրավվող երկրների մեծ պատրաստակամություն արդյունավետություն ապահովելու համար, պետք է հաշվի առնել նաև տարածաշրջանի երկու հզոր հարևանների՝ Իրանի և ՌԴ վերաբերմունքն այս հարցին, քանի որ հատկապես վերջինի դիրքորոշումը կարող է իր կնիքն ունենալ ընդհանուր գործընթացի վրա: Եվրոպականացումը դեռևս Հարավային Կովկասում խիստ շոշափելի արդյունքներ չի տվել, քանի որ դրանից օգուտներ ստացվում են բավականին ուշ ժամանակահատվածում: Ինչպես հայտնի է, Հարավային Կովկասի եվրոպականացման վրա էական բացասական ազդեցություն ունեն չկարգավորված հակամարտությունները: Այստեղ ևս եվրոպականացումը ցուցաբերում է իր “միջնորդությունը”, քանի որ կարող է դրական ազդեցություն ունենալ հակամարտությունների կարգավորման գործընթացի վրա՝ փորձելով իրար մոտեցնել կողմերի անհամատեղելի դիրքորոշումները և ստեղծել հանդուրժողականության մթնոլորտ:

Եվրոպականացման այս գործընթացում արդյունավետություն ապահովելուն պետք է ձգտեն առավելապես այն երկրները, որոնք ունեն ավելի հեռահար նպատակներ՝ ինտեգրվել ԵՄ: Ճիշտ է՝ եվրոպականացումն ուղղակիորեն չի ենթադրում նաև հետագա ինտեգրում, բայց կարող է և ստեղծում է դրա համար լուրջ նախահիմքեր: Չնայած որ ինտեգրման ակտիվ գործընթացներ սկսելու համար պետք է ԵՄ առաջատար երկրների աշխարհաքաղաքական շահերի համընկնում, այնուամենայնիվ, այս երկրներին անհրաժեշտ է հասկանալ, թե իրենք ինչ չափով են ուզում եվրոպական պետություն լինել, որքանով են ուզում պատկանել պետությունների եվրոպական ընտանիքին և ինչ է դա նշանակում իրենց համար:

Որոշ հեղինակների կարծիքով, եվրոպական կառույցներին հետևողական ներգրավման կուրսը կարող է դրական ազդեցություն ունենալ հարավ-կովկասյան հասարակությունների համախմբման վրա, եթե այդ երկրներում զարգացման եվրոպական մոդելն ամրապնդվի և դիտվի որպես հասարակական զարգացման անհրաժեշտ ուղղություն: Ի. Կոմիսսան, օրինակ, նշում է, որ հարավկովկասյան երկրներից Ադրբեյջանն ունի ամենաբիչ հնարավորությունները ԵՄ անդամակցության համար, քանզի այստեղ, ինչպես և Թուրքիայում, ոչ միայն չեն ապահովվում ժողովրդավարական սկզբունքները, այլև կրոնամշակութային տեսակետից Ադրբեյջանը չի կիսում Եվրոպայի քրիստոնեական ժառանգությունը: Առանձին սահմանափակումներ ունի նաև ՌԴ հետ ավանդական ռազմավարական հարաբերություններ ունեցող Հայաստանը, որն ակ-

տիվորեն ներգրավված է հետխորհրդային տարածքում ՌԴ նախաձեռնությամբ իրականացվող ծրագրերին և նախագծերին, ինչպես նաև անդամակցում է ԶԱՊԿ: Այս տեսանկյունից Վրաստանը գտնվում է փոքր-ինչ չափեկան դիրքերում, քանի որ իր կամքից անկախ հայտվեց աշխարհում տեսաբար արդարացի բարենպաստ դիրքերում անկախացումից հետո: Արցախյան համակարտության առկայությամբ պայմանավորված Վրաստանը կարծես վերածվել է տարածաշրջանում "չեզոք" երկրի, որում գտնվում են գրեթե բոլոր եվրոպական հաստատությունների ներկայացուցչությունները և, ամենակարևորը, այն վերածվել է տարանցիկ/տրանզիտ երկրի, իսկ այդպիսի կարգավիճակն ենթադրում է ֆինանսական հսկայական հոսքերի առկայություն: Վրաստանի՝ որպես տարանցիկ երկրի դերն էլ ավելի բարձրացավ հատկապես "Ղարի գործարքի" Բաքու-Թբիլիսի-Ջեհյան նավթամուղի անցկացմամբ, որը, չրջանցելով Զայաստանը, մտավ Վրաստան, այնտեղից՝ Թուրքիա:

Վրաստանն իր հերթին ամեն ջանք գործադրում է Արևմուտքի կողմից եվրոպական պետություն ընկալվելու համար: Երբեմն պետական բարձրագույն ինստիտուտների մակարդակով բավականին համարձակ փաստաթղթեր ընդունելով: Այսպես, դեռևս 1997թ. Վրաստանի Խորհրդարանն ընդունեց հայեցակարգային մի փաստաթուղթ, որում եվրոպական կառույցների կառուցողական դերը հակադրվում էր ՌԴ "կայսերական" քաղաքականությանը: 1999թ. Շևարդնաձեն վրացական արտաքին քաղաքականության առաջնահերթություն հռչակեց եվրոպական ուղղությունը, իսկ 2003թ. Սահակաշվիլիի իշխանության գալով՝ ԵՄ ու ՆԱՏՕ անդամակցությունը դարձան արտաքին քաղաքականության ռազմավարական նպատակներ:

Հարավային Կովկասի եվրոպականացվածությունը այժմ հիմնականում ինստիտուտված է ԵԽ և ԵԱՀԿ կողմից, իսկ ԵՄ դերակատարությունը դեռևս շատ բարձր մակարդակի վրա չէ, ինչը կարելի է պայմանավորել եվրոպական կառույցների ազդեցության գործիքների և հարավկովկասյան երկրների՝ եվրոպականացման ուղղությամբ տարվող աշխատանքների ցածր արդյունավետությամբ: Սեծամասամբ եվրոպական կառույցները ձգտում են ստեղծել կայուն զարգացման և կանխատեսելիության մթնոլորտ Հարավային Կովկասում, որը հնարավոր է իրականացնել տարածաշրջանային զարգացումները փոխպայմանավորելու միջոցով: Ահա այս նպատակին հասնելու համար եվրոպացիները ցանկանում են ստեղծել այդքան անհրաժեշտ տարածաշրջանային ուժեղ համագործակցություն:

Ուշադրության է արժանի նաև այն փաստը, որ չնայած անընդհատ խոսվում է եվրոպականացման անհրաժեշտության մասին՝ որպես արդիականաց-

ման լավագույն միջոցի, այնուամենայնիվ, այդ գործընթացն ամենևին էլ ամբողջապես եվրոպական չէ: Մասնավորապես, Ի. Խախնդրավան նշում է, որ ՀՀ համդես է գալիս կոնպլեմենտարության դիրքերից, որը դրսևորվում է մի կողմից՝ ՆԱՏՕ և ԵՄ ծրագրերի մեջ մասնակացության աշխուժացմամբ, մյուս կողմից՝ ՄԴՀ և ՀԱԴԿ շրջանակներում երկկողմ և բազմակողմ պայմանագրային հիմքի ամրապնդմամբ: Այսինքն, Հայաստանը ցանկանում է անցնել եվրոպականացման հաջող փորձաշրջան, բայց չի ցանկանում կորցնել ՌԴ բարի վերաբերմունքը: Վրաստանը, որն այդքան կարևորում է իր՝ ՆԱՏՕ և ԵՄ անդամակցելը, իր ռազմավարական գործընկերների թվում չի տեսնում ոչ մեկին, ոչ էլ մյուսին (պաշտոնապես այդ դերը վերապահված է Ռւկրախնային, Թուրքիային և ՍՄՆ): Աղբրեջանը հիմնականում իր վարքագիծը պայմանավորում է Թուրքիայում ընթացող զարգացումներով:

Ստացվում է, որ Հարավային Կովկասի երկրներն ոչ միանշանակ ազդանշաններ են ուղղարկում Եվրոպա, բայց պետք է փաստել, որ Եվրոպան ևս այժմ չի ընկնում իր դիրքորոշումների խիստ կոնկրետությանը, առայժմ կասկածելի է նույնիսկ, թե արդյոք ԵՄ ունի միասնական ռազմավարություն հարավկովկասյան տարածաշրջանի վերաբերյալ: Դա կարելի է կապել ԵՄ ոչ կատարյալ արտաքին քաղաքականության հետ, բացի այդ եվրոպական գիտավերլուծական շրջանակների կողմից երբեմն Հարավային Կովկասն ավելի շուտ որպես մարտահրավեր է ընդունվում, քան թե գործընկեր:

Այսպիսով, եվրոպականացման արդյունավետության նկատելի մակարդակ ապահովելու համար անհրաժեշտ է մի կողմից՝ հարավկովկասյան երկրների առաջնորդների բարձր քաղաքական կամքի առկայություն և պատրաստակամություն, մյուս կողմից էլ՝ եվրոպական կառույցների շահագրգռվածության բարձր աստիճան առկա եվրոպականացման գործիքներում ներգրավվող երկրների ակտիվ մասնակցությունն երաշխավորելու և առաջընթաց զրանցելու համար, քանի որ հենց դրացնից են սպասում իրենց օգուտները տարածաշրջանի երկրները: